

# 十二佛名神咒校量 功德除障灭罪经

隋天竺三藏法师闍那崛多初译



南無本師釋迦牟尼佛

## 说明

本简体校正版《十二佛名神咒校量功德除障灭罪经》电子书，根据《乾隆大藏经》大乘五大部外重译经，第 0331 部，隋天竺三藏法师闍那崛多初译《十二佛名神咒校量功德除障灭罪经》原藏影印本校正。句读仅作参考。

本电子书是免费结缘品。特此说明。

仁慧草堂

二〇二〇年六月



扫码关注仁慧草堂微信公众号

## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处  
结祥云. 诚意方殷. 诸佛现全身.

南無香云盖菩萨摩诃萨 (合掌三称)

### 净口业真言

(三遍)

唵. 修唎修唎. 摩诃修唎. 修修唎. 萨婆诃.

### 净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

### 安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

## 普供养真言

(三遍)

唵. 誝誝曩. 三婆嚩. 鞞日啰斛.

南無本师释迦牟尼佛 (合掌三称)

## 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 十二佛名神咒校量功德 除障灭罪经<sup>1</sup>

隋天竺三藏法师阇那崛多初译<sup>2</sup>

我阇那崛多 敬礼常住体  
遍满于法界 毗卢遮那佛<sup>3</sup>

如是我闻：

一时，婆伽婆住王舍城耆阇崛山中，与大比丘众千二百五十人俱；复有菩萨大众一万二千人俱，阿逸多菩萨为首。

尔时，世尊告弥勒菩萨言：“弥勒，东方去此佛刹，有十不可说诸佛刹，亿百千微尘等，过诸佛刹有一佛土，名曰解脱主世界，彼世界内有一佛，名曰虚空功德。清净微尘。等目端正。功德相。光明华。波头摩。琉璃光。宝体香。最上香。供养讫。种种庄严。顶髻无量无边。日月光明。愿力庄严。变化庄严。法界出生。无障碍王如来、阿罗诃、三藐三佛陀，**现<sup>4</sup>**在随心欲行道遥在处说法。若善男子、善女人，犯四重、五逆、

<sup>1</sup> 丽本：佛说十二佛名神咒校量功德除障灭罪经

<sup>2</sup> 丽本：隋天竺三藏法师阇那崛多译

<sup>3</sup> 丽本无此偈

<sup>4</sup> 丽本：现；永乐北藏本及龙藏本：见；校勘：现

诽谤三宝及犯四波罗夷，是人罪重，假使如阎浮履地变为微尘，一一微尘成于一劫，是人有多少劫罪；称是一佛名号、礼一拜者，悉得灭除，况复昼夜受持读诵，忆念不忘者？是人功德不可思议。而彼佛世界中，有菩萨名无比，无障碍王如来授彼菩萨记：‘当得成佛，号毫<sup>5</sup>相日月光明焰<sup>6</sup>。宝莲华坚如金刚身。毗卢遮那无障碍眼。圆满十方。放光照一切佛刹。相王如来、阿罗诃、三藐三佛陀、善逝、世间解、无上士、调御丈夫、天人师、佛、世尊’。

“彼东方复有佛，名曰一切庄严无垢光如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“南方有佛，名曰辩才瓔珞思念如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“西方有佛，名曰无垢月相王名称如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“北方有佛，名曰华庄严作光明如来、阿罗

<sup>5</sup> 丽本：豪；永乐北藏本及龙藏本：毫

<sup>6</sup> 丽本：华；永乐北藏本及龙藏本：焰

诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“东南方有佛，名曰作灯明如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“西南方有佛，名曰宝上相名称如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“西北方有佛，名曰无畏观如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“东北方有佛，名曰无畏无怯毛孔不竖名称如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“下方有佛，名曰师子奋迅根如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。

“上方有佛，名曰金光威王相似如来、阿罗诃、三藐三佛陀，亦应当称彼佛名，亦修恭敬，亦须称其名号，亦须心念彼佛名号。”

尔时，佛告弥勒：“若有正信善男子、正信善女人，称此十二诸佛名号之时，经于十日，当

修忏悔一切诸罪，一切众生所有功德皆随喜，劝请一切诸佛久住于世，以诸善根回向法界。是时，即得灭一切诸罪，得净一切业障，即得具足成就庄严一切佛土，成就具足无畏；复得具足庄严身相，复得具足菩萨眷属围绕，复得具足无量陀罗尼，复得具足无量三昧，复得具足如意佛刹庄严，亦得具足无量善知识。速得成就，如上所说，不增不减。在于烦恼中行阿耨多罗三藐三菩提，而得端正可喜果报；亦得财宝充足；常生大姓豪族种姓之家，身相具足；亦得善和眷属围绕。”

尔时，世尊重宣此义，而说偈言：

若有善男子 若善女人等  
受持此佛名 生生世世中  
得他人爱敬 光明威力大  
生处为人尊 于后得成佛

佛复告弥勒：“若有善男子、善女人，若当受持此佛名者，亦须诵此陀罗尼咒：

多经他<sup>一</sup>阿<sup>二</sup>企<sup>三</sup>摩<sup>四</sup>三<sup>五</sup>漫<sup>六</sup>多目企<sup>七</sup>燥帝育羯  
帝<sup>八</sup>尼陆帝<sup>九</sup>尼陆帝钵脾<sup>十</sup>三摩余祇<sup>十一</sup>质多毗拔帝<sup>十二</sup>  
阿企<sup>十三</sup>摩企<sup>十四</sup>摩陀祇<sup>十五</sup>毗拔帝<sup>十六</sup>三漫多求祇<sup>十七</sup>萨底耶

<sup>7</sup> 丽本：企；永乐北藏本及龙藏本：企

<sup>8</sup> 丽本：漫；永乐北藏本及龙藏本：漫

罗弥<sup>十五</sup>育王<sup>九</sup>帝<sup>十六</sup>钵育<sup>十</sup>帝<sup>十七</sup>醯利弥利摩私隶<sup>十八</sup>阿南<sup>十一</sup>  
迷<sup>十九</sup>遮迷<sup>二十</sup>頹质智<sup>二十</sup>末质智<sup>二十</sup>步支<sup>二十</sup>阿罗醯<sup>二十四</sup>婆  
休眇<sup>二十五</sup>遮愈<sup>十二</sup>伽罗醯<sup>二十六</sup>醯摩婆帝<sup>二十七</sup>殊帝摩帝<sup>二十八</sup>达  
摩真帝<sup>二十九</sup>周多朋枳<sup>三十</sup>阿毗差脾<sup>三十</sup>阿罗陀婆叉弥<sup>三十</sup>  
娑捷陀毗拔帝<sup>三十</sup>那摩萨婆<sup>三十四</sup>佛陀菩提萨多脾毗  
耶<sup>三十五</sup>悉田妬漫带波池<sup>三十六</sup>佛陀提瑟帝多<sup>三十七</sup>”

尔时，世尊说是咒已，重说偈言：

受持此咒者	得值六十亿
现在十方佛	常忆念是人
一切受生处	常遇善知识
心欲所须 <sup>十四</sup> 者	一切皆吉祥
诵此陀罗尼	常生诸佛前
微妙莲华上	化生不受胎
正念正行意	增长智慧等
一闻悉总持	所闻不忘失
受持此咒者	获得如是福
诵此佛名者	彼人所生处
远离诸恶道	速得生善处
得陀罗尼定	最妙最胜处

<sup>9</sup> 丽本：吉；永乐北藏本及龙藏本：王

<sup>10</sup> 丽本：育吉；永乐北藏本及龙藏本：育

<sup>11</sup> 丽本：喃；永乐北藏本及龙藏本：南

<sup>12</sup> 丽本：摩逾；永乐北藏本及龙藏本：遮愈

<sup>13</sup> 丽本：陀；永乐北藏本及龙藏本：池

<sup>14</sup> 丽本：愿；永乐北藏本及龙藏本：须

受持不忘失 乃至于菩提  
皆由诸佛名 及以陀罗尼  
若人施七宝 满千万亿刹  
受持此佛名 福报过于彼  
行于菩提行 恒常识宿命  
远离诸众难 即得自在处  
常生有佛刹 值佛闻正法  
得于信行心 得是信心已  
常即供养佛 值佛闻法已  
心生大欢喜 得见诸佛已  
持妙供养具 供养于诸佛  
受持佛名者 千万诸亿劫  
舍离生死罪 速<sup>15</sup>成于佛道  
若人能至心 七日诵佛名  
得于<sup>16</sup>清净眼 能见无量佛  
能持此佛名 即得无量福  
是人所生处 天人常恭敬  
若人持佛名 千万亿劫中  
不被他毁辱 一切世界中  
名闻悉流布 若人持佛名

<sup>15</sup> 丽本：速；永乐北藏本：远；龙藏本：速

<sup>16</sup> 丽本：于；永乐北藏本：人；龙藏本：于

千万亿劫中 天人常供养  
无有毁之者 速得成佛道  
若人持佛名 不生怯弱心  
智慧无谄曲 常在诸佛前  
若人持佛名 彼人所生处  
天龙诸夜叉 乾闥紧那罗  
修罗迦楼罗 及摩睺罗伽  
人与非人等 常供养是人  
若人持佛名 世世所生处  
常生富贵家 丈夫相具足  
无有悭妬心 猛健好布施  
身体诸毛孔 常出诸妙香  
口中诸齿间 复出氛氲香  
天赤梅檀香 及诸余香气  
千万亿劫中 常香无断绝  
世世所生处 其声如梵天  
亦如迦陵频 命命等诸鸟  
持法王名者 其福亦如是  
若人持佛名 七宝华中生  
其华千亿叶 威光相具足  
若人持佛名 父母诸眷属  
和颜无诤讼 永不生别离

若有诸女人 受持此经者  
舍离女人形 转生智男身  
得男子身已 即成于菩提  
转无上法轮 随意入涅槃  
若人持佛名 刀杖不能害  
水火不焚漂 县官不能杀  
若人持佛名 众魔及波旬  
行住坐卧处 不能得其便  
若人持佛名 世世所生处  
身通游虚空 能至无边刹  
面睹于诸佛 能闻<sup>17</sup>甚深义  
彼等无量佛 即知其心意  
为说微妙法 授彼菩提记  
得闻授记已 心生大欢喜  
即于诸佛教 决定无有疑  
彼诸佛世尊 所说甚深法  
其人闻法已 受持永不失  
于后得成就 六度及诸地  
无畏诸力等 众相及诸好  
佛刹及众生 任意随所取  
生于彼刹中 速能成正觉

<sup>17</sup> 丽本：问；永乐北藏本及龙藏本：闻

转无上法轮 随意入涅槃  
若有善男子 及善女人等  
受持此经者 如上说功德  
若持此经者 谨慎莫放逸  
闻如前福业 若满于一劫  
若减于一劫 常须勤读诵  
不生懈怠心 我敕有如是  
此等诸佛者 常住功德藏  
虚空云中王 常住于彼处  
若人闻佛名 一劫减一劫  
闻已生敬心 彼是最健人  
亦是大智慧 亦是人中最  
亦是健丈夫 于世大名闻  
是故我今言 弥勒当听我  
有大智慧人 巧解方便者  
常勤不放逸 恒近善知识  
得闻此经典 后趣菩提道

佛说此经已，弥勒菩萨摩诃萨及诸菩萨众、大比丘众、天、龙、夜叉、乾闥婆、阿修罗、迦楼罗、紧那罗、摩睺罗伽、人、非人等，闻佛所说，欢喜奉行。

## ● 结诵仪

### 十二佛名神咒

(合掌三称)

南無虚空功德。清净微尘。等目端正。功德相。光明华。波头摩。琉璃光。宝体香。最上香。供养讫。种种庄严。顶髻无量无边。日月光明。愿力庄严。变化庄严。法界出生。无障碍王如来。阿罗诃。三藐三佛陀

南無毫相日月光明焰。宝莲华坚如金刚身。毗卢遮那无障碍眼。圆满十方。放光照一切佛刹。相王如来。阿罗诃。三藐三佛陀。善逝。世间解。无上士。调御丈夫。天人师。佛。世尊

南無一切庄严无垢光如来。阿罗诃。三藐三佛陀

南無辩才瓔珞思念如来。阿罗诃。三藐三佛陀

南無无垢月相王名称如来。阿罗诃。三藐三佛陀

南無华庄严作光明如来。阿罗诃。三藐三佛陀

南無作灯明如来。阿罗诃。三藐三佛陀

南無宝上相名称如来。阿罗诃。三藐三佛陀

南無无畏观如来。阿罗诃。三藐三佛陀

南無无畏无怯毛孔不竖名称如来。阿罗诃。三藐三佛陀

南無狮子奋迅根如来。阿罗诃。三藐三佛陀

南無金光威王相似如来。阿罗诃。三藐三佛陀

陀罗尼咒曰：

多经他<sup>一</sup>阿<sup>二</sup>企<sup>三</sup>摩<sup>四</sup>企<sup>五</sup>三漫多目企<sup>六</sup>燥帝育羯  
帝<sup>七</sup>尼陆帝<sup>八</sup>尼陆帝钵脾<sup>九</sup>三摩余祇<sup>十</sup>质多毗拔帝<sup>十一</sup>  
阿企<sup>十二</sup>摩企<sup>十三</sup>摩陀祇<sup>十四</sup>毗拔帝<sup>十五</sup>三漫多求祇<sup>十六</sup>萨底耶  
罗弥<sup>十七</sup>育王帝<sup>十八</sup>钵育帝<sup>十九</sup>醯利弥利摩私隶<sup>二十</sup>阿南迷<sup>二十一</sup>  
遮迷<sup>二十二</sup>頰质智<sup>二十三</sup>末质智<sup>二十四</sup>步支<sup>二十五</sup>阿罗醯<sup>二十六</sup>婆休眇  
<sup>二十七</sup>遮愈伽罗醯<sup>二十八</sup>醯摩婆帝<sup>二十九</sup>殊帝摩帝<sup>三十</sup>达摩真  
帝<sup>三十一</sup>周多朋枳<sup>三十二</sup>阿毗差脾<sup>三十三</sup>阿罗陀婆叉弥<sup>三十四</sup>娑捷  
陀毗拔帝<sup>三十五</sup>那摩萨婆<sup>三十六</sup>佛陀菩提萨多脾毗耶<sup>三十七</sup>  
悉田妬漫带波池<sup>三十八</sup>佛陀提瑟帝多<sup>三十九</sup>

## 补阙真言

(三遍)

南無喝啰怛那. 哆啰夜耶. 佉啰佉啰. 俱住俱住.  
摩啰摩啰. 虎啰. 吽. 贺贺. 苏怛拏. 吽. 泼抹拏. 娑  
婆诃.

## 补阙圆满真言

(三遍)

唵. 呼嚧呼嚧. 社曳穆契. 莎诃.

## 普回向真言

(三遍)

唵<sup>一</sup>娑摩啰<sup>二</sup>娑摩啰<sup>三</sup>弥摩曩<sup>四</sup>萨哈<sup>呼马切</sup>啰<sup>五</sup>摩诃咱<sup>爻上声</sup>  
哈啰吽<sup>六</sup>

## 礼佛发愿文

(一遍)

归命十方调御师 演扬清净微妙法  
三乘四果解脱僧 愿赐慈悲哀摄受

但(某甲)自违真性, 枉入迷流。随生死以飘  
沉, 逐色声而贪染。十缠十使, 积成有漏之因;  
六根六尘, 妄作无边之罪。迷沦苦海, 深溺邪途。  
著我耽人, 举枉措直。累生业障, 一切愆尤, 仰

三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚

空有尽，我愿无穷。情与无情，同圆种智。

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

十方三世一切佛。一切菩萨摩訶萨。摩訶般若波罗蜜。

## 三皈依

(一遍)

自皈依佛，当愿众生，体解大道，发无上心；  
自皈依法，当愿众生，深入经藏，智慧如海；  
自皈依僧，当愿众生，统理大众，一切无碍。和南圣众。

南无护法韦驮尊天菩萨



ཡིག་ནི་ཤུ་ཙུག་པ་འདི་དཔེ་ཆའི་ནང་དུ་བཞག་ན་དཔེ་ཆ་དེ་ཅི་འདུན་  
བསོ་མས་ཀྱང་ནེས་པ་མི་འཕྱུང་བར་འཇམ་དཔལ་ཙུག་ལས་གསུངས་སོ།།

此咒置经书中可灭误跨之罪